

Хэрү ирджэх хальмг өрк-бүлмүдин тускд оданас авн килмджән өгхмн

1958 джилд төрски газрун 6000 хальмг өрк-бүл хәрдж ирцхәхмн. Тедниг бурдәмдж-тәггяр тосдж авч, бәәх герәр теткдж, кōдлмшт орулхин төләд урдаснь белдврин кōдлмш кех кергтә.

Хэрү ирцхәсн хальмг өрк-бүлмүд тосдж авлгънд зōвәр ик дуту-дундс гарцхала. Таньгъчин центрт болвчн, райодар болвчн бәәх гермүд тосхлгън ора экллә. Оратдж эклди учрнь, тосхлтин материал урдаснь эс белдснә учр болджана. Тер учрар гермүд зугджилин өрәләс авн эклдж бәргдв. Темдглгдсн тосхлтин кōдлмш күцәгдсн уга.

Л. КИЛГАНОВ,
таньгъчин күцәгч
комитетин ахлачин дарук

Партин таньгъчин комитет, таньгъчин күцәгч комитет, райодин партийн, советск болн эдл-ахун организацс тер дуту-дундсиг тоолдж, хэрү ирджәцхәх хальмг улсин төләд цагтүдл уга әмтн бәәдг гермүд, культурн-бытовой гермүд тосхлгъиг өргәр делгрүлх кергтә. Ямаран эдл-ахуст, кедү өрк-бүл илгәхән урдаснь ме-ддж авх кергтә, хэрү ирцхәсн хальмгудт кōдлмш олдж өгхин тускар урдаснь ухалхмн.

Хэрү ирцхәсн улс гуулгәнә

болн эрүл-менд харлгъна халхас мууггяр теткгднә: Иим ик дуту-дундсиг 1958 джилд уурулх таньгъчин болн районн организацсин төр болджана.

Темснә болн бодницгин тускар цōн үг келнәв. 1957 джил таньгъчд керглгдджәх темснә зуг гурвн процентнь, бодницгин--нег процентнь тәргдв. Зōддж авч ирдг темсн манд йир унтә болдж тусна. Темс болн бодницг Западн, Яшалтинск болн Сарпинск райодар, Элст балгъсн шидр болм дуньгә икәр тәрдж ургәадж болхмн. Эн төриг аргъта болхла эрт хагълх кергтә.